

ხელშეკრულება #SP-03.21.016-37
სახელმწიფო შესყიდვის შესახებ
გამარტივებული შესყიდვის
საშუალებით

21 მარტი 2016წ.

ქ. თბილისი

1. ხელშეკრულების დამდები მხარეები

1.1. ხელშეკრულების მხარეები არიან: ერთი მხრივ, ს.ს. „უნივერსალური სამედიცინო ცენტრი“ (შემდგომში - „შემსყიდველი“), წარმოდგენილი დირექტორის მამუკა მახათაძის სახით, და მეორეს მხრივ, შპს „ლასარე“ (შემდგომში - „მიწოდებელი“), წარმოდგენილი დირექტორის სერგო ლასარეიშვილის სახით, ორივე ერთად წოდებული როგორც „მხარეები“.

2. ხელშეკრულების საგანი

2.1. გამომდინარე იქიდან, რომ წინამდებარე ხელშეკრულებით გათვალისწინებული სახელმწიფო შესყიდვის ობიექტის შესაბამისი დანაყოფის წლიური ფულადი მოცულობა არ აღემატება 5 000 ლარს, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს1“ ქვეპუნქტის საფუძველზე, შემსყიდველმა განახორციელა კანონით გათვალისწინებული პროცედურები გამარტივებული შესყიდვის საშუალებით საკუთარი შემოსავლებით ტვირთის გადაზიდვისა და შენახვის მომსახურებების (შენახვისა და დასაწყობების მომსახურებების / CPV 63120000) (შემდგომში - „მომსახურების“) შესყიდვაზე. რაზედაც მიმწოდებელმა აიღო ვალდებულება მიაწოდოს შემსყიდველს ზემოაღნიშნული მომსახურება.

3. შესყიდვის ობიექტი

3.1. შესყიდვის ობიექტია ტვირთის გადაზიდვისა და შენახვის მომსახურებების (შენახვისა და დასაწყობების მომსახურებების / CPV 63120000) შესყიდვა, კერძოდ, თბილისის საერთაშორისო აეროპორტში შემსყიდველის სახელზე საჰაერო გზით ჩამოსული ან/და გასაგზავნი ტვირთების სატვირთო-სატერმინალო მომსახურება.

4. ხელშეკრულების საერთო ღირებულება

4.1 ხელშეკრულების საერთო ღირებულება განისაზღვრება ხელშეკრულებით გათვალისწინებული მიწოდების ვადის დასრულების მომენტისათვის მიწოდების დამადასტურებელ დოკუმენტაციაზე დაყრდნობით გაფორმებულ მიღება-ჩაბარების აქტ(ებ)ში მითითებული ღირებულებით (ღირებულებების ერთობლიობით) მაგრამ არაუმეტეს 5000.00 (ხუთი ათასი) ლარისა.

5. ხელშეკრულების შესრულების კონტროლი

5.1. ხელშეკრულების პირობების შესრულების კონტროლს და ზედამხედველობას შემსყიდველის მხრიდან, განახორციელებს სპეციალურად შექმნილი ინსპექტირების ჯგუფი ან/და უფლებამოსილი პირი.
5.2. ინსპექტირების განხორციელებასთან დაკავშირებული ყველა ფინანსური ხარჯი და საორგანიზაციო საკითხების გადაწყვეტა ეკისრება შემსყიდველს.
5.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ მიწოდებულ მომსახურებაში აღმოჩნდება ხარვეზი, მიმწოდებელი ვალდებულია შეტყობინების (ზეპირი, ან წერილობითი) მიღებიდან 2 (ორი) სამუშაო დღეში გამოასწოროს წუნი.

6. მიწოდების პირობები

6.1. „მომსახურების“ მიწოდება განხორციელდება ხელშეკრულების გაფორმების შემდეგ, შემსყიდველის კოტენილი ტვირთის (ტვირთების) მიმწოდებლის სასაწყობო მეურნეობაში მოხვედრიდან - იმავე ტვირთის (ტვირთების) მიმწოდებლის სასაწყობო მეურნეობიდან გატანის მომენტამდე, შემსყიდველის მოთხოვნის შესაბამისად, შემსყიდველის ოფიციალური მომართვის საფუძველზე.
6.2. „მომსახურების“ მიწოდების პერიოდი განისაზღვრება ხელშეკრულების გაფორმებიდან -2016 წლის 31 დეკემბრამდრის ჩათვლით პერიოდით.
6.3. „მომსახურების“ მიწოდება განხორციელდება შემდეგ მისამართზე: ქ. თბილისი, საერთაშორისო აეროპორტი.
6.6. მიმწოდებელმა უნდა უზრუნველყოს „მომსახურების“ მიწოდება შესაბამისი ნორმების დაცვით.

7. შესყიდვის ობიექტის მიღება-ჩაბარების წესი

7.1. შემსყიდველის მიერ "მომსახურების" მიღება წარმოებს მიღება-ჩაბარების აქტის საფუძველზე მიწოდების დამადასტურებელი შესაბამისი ფინანსური დოკუმენტაციის თანხმობით.

7.2. მომსახურების მიწოდება ხორციელდება ეტაპობრივად.

8. ანგარიშსწორება

8.1. ანგარიშსწორების ფორმა იქნება: უნაღდო ანგარიშსწორება მიმწოდებლის საბანკო ანგარიშზე შესაბამისი "მომსახურების" მიწოდების დასრულებამდე.

9. მხარეთა უფლება-მოვალეობანი

9.1. შემსყიდველი უფლებამოსილია შეწყვიტოს ხელშეკრულება მიმწოდებლის მიერ თავისი ვალდებულების არაჯეროვანი შესრულების გამო.

9.2. შემსყიდველი ვალდებულია უზრუნველყოს მიწოდებული "მომსახურების" ღირებულების დროული გადარიცხვა მიმწოდებლის საბანკო ანგარიშზე.

9.3. მიმწოდებელი უფლებამოსილია მოსთხოვოს შემსყიდველს "მომსახურების" ღირებულების დროული გადარიცხვა მის საბანკო ანგარიშზე.

9.4. მიმწოდებელი ვალდებულია უზრუნველყოს ამ ხელშეკრულებით განსაზღვრული მომსახურების სათანადო ხარისხით გაწევა შემსყიდველისათვის, წინამდებარე ხელშეკრულების პირობების შესაბამისად;

9.5. ხელშეკრულებით გათვალისწინებული მომსახურების ღირებულება სავარუდოა, ამავე ხელშეკრულებით გათვალისწინებული პერიოდისათვის შემსყიდველი არ იღებს ვალდებულებას სრული ღირებულებით შეისყიდოს ხელშეკრულებით გათვალისწინებული მომსახურება.

10. მხარეთა პასუხისმგებლობა ხელშეკრულების პირობების შეუსრულებლობისათვის

10.1. ხელშეკრულების შესრულებაზე ცალმხრივად უარის თქმის შემთხვევაში, მიმწოდებელი უხდის შემსყიდველს ჯარიმის სახით ხელშეკრულების ღირებულების 10%-ს.

10.2. მომსახურების გაწევისთვის განსაზღვრული ვადების დარღვევის შემთხვევაში, შემსყიდველს უფლება აქვს მოითხოვოს, ხოლო ამ შემთხვევაში მიმწოდებელი ვალდებულია გადაიხადოს ყოველ ვადაგადაცილებულ დღეზე პირგასამტეხლო ხელშეკრულების ღირებულების 0,1%-ს ოდენობით.

10.3. ანგარიშსწორების ვადების დარღვევის შემთხვევაში, მიმწოდებელს უფლება აქვს მოითხოვოს, ხოლო ამ შემთხვევაში შემსყიდველი ვალდებულია გადაიხადოს ყოველ ვადაგადაცილებულ დღეზე პირგასამტეხლო ხელშეკრულების ღირებულების 0,1%-ს ოდენობით.

10.4. იმ შემთხვევაში, თუ ვადების გადაცდენისთვის დაკისრებული პირგასამტეხლო ჯამური თანხა გადააჭარბებს ხელშეკრულების ღირებულების 2%-ს შემსყიდველს უფლება აქვს შეწყვიტოს ხელშეკრულება.

10.5. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

11. ხელშეკრულების პირობების გადასინჯვა, ფასები და მოქმედების ვადა

11.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.5. ხელშეკრულების პირობების ნებისმიერი ცვლილება უნდა გაფორმდეს წერილობით ხელშეკრულების დანართის სახით, რომელიც ხელმოწერილი იქნება მხარეთა უფლებამოსილი წარმომადგენლების მიერ და ჩაითვლება ხელშეკრულების განუყოფელ ნაწილად.

11.6. ხელშეკრულება ძალაში შედის ხელმოწერისთანავე და მოქმედებს 2017 წლის 31 იანვრის ჩათვლით.

12. ფორს-მაჟორული გარემოებები

12.1. მხარეები თავისუფლდებიან ამ ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ დამტკიცდა, რომ ვალდებულების შეუსრულებლობა განპირობებული იყო დაუძლეველი ძალის ანუ კონკრეტულ პირობებში (სტიქიური უბედურება, ეპიდემია, ომი, საზოგადოებრივი არეულობა და ა.შ.) საგანგებო და გარდაუვალი მოქმედებით.

12.2. ფორს-მაჟორული მოვლენების წარმოშობის შესახებ მხარემ დაუყოვნებლივ უნდა აცნობოს მეორე მხარეს მის ხელთ არსებული საკომუნიკაციო საშუალებით (ტელეფონი, ფოსტა, ფაქსი, ელექტრონული ფოსტა, კურიერი და

სხვა).

12.3. მხარე არ თავისუფლდება პასუხისმგებლობისაგან, თუ-კი ფორს-მაჟორული მოვლენის დადგომა გამოწვეულია მისი ბრალით, ან ნაკისრ ვალდებულებათა შესრულება შესაძლებელი იყო ასეთ გარემოებათა დადგომამდე გონივრულ ვადებში.

12.4 ფორსმაჟორული გარემოებების 15 დღეზე მეტხანს გაგრძელების შემთხვევაში, შემსყიდველს ფლება აქვს შეწყვიტოს ხელშეკრულება.

13. სხვა პირობები

13.1 ხელშეკრულება შედგენილია თანაბარი იურიდიული ძალის მქონე 2 ეგზემპლარად, რომლებიც გადაეცემათ მხარეებს.

13.2 მხარეთა შორის წამოჭრილი დავები წყდება მხარეთა ერთობლივი მოლაპარაკების საფუძველზე. თუ ასეთი მოლაპარაკების დაწყებიდან 5 (ხუთი) დღის განმავლობაში მხარეები ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

14. მხარეთა რეკვიზიტები

„შემსყიდველი“

ს.ს. „უნივერსალური სამედიცინო ცენტრი“

მის: ქ. თბილისი, ლისის ტბის მიმდებარედ #4

ს/კ 405001466

ბანკი: ს.ს. „თი ბი სი ბანკი“

ანგარიში: GE95TB7795436020100004

ბანკის კოდი: TBCBGE22

დირექტორი

მ. ქახაია

მამუკა მახათაძე



„მიმწოდებელი“

შპს „ლასარე“

მის: ქ. თბილისი, აეროპორტის სატვირთო ტერმინალი

ს/კ 208145176

ბანკი: ს.ს. „ბანკი რესპუბლიკა“

ანგარიში: GE74BR0000010621821515

ბანკის კოდი: REPLGE22

დირექტორი

სერგო ლასარეიშვილი

სერგო ლასარეიშვილი

